



Universitätsbibliothek Paderborn

**Tractatvs De Fiducia In Devm Plurimas Et Utilissimas pro
vitâ spirituali instructiones Continens, Præcipue Ad
Obtinendam magnam animæ quietem, & afflictiones
quascunque ingenti cum solatio & fructu ...**

Dusault, Nicolas

Coloniæ Agrippinæ, 1660

§. 4. Praxis hujus medij

[urn:nbn:de:hbz:466:1-50333](#)

§. IV.

Praxis hujus medijs.

His ita positis ac stabilitis videamus nunc
qua ratione in rebus singulis atque ne-
gotijs uti fructuose possimus allatis princi-
pijs. Deus commendat mihi & præcipit tum
divinis inspirationibus suis tum exemplis a-
liorum, tum expressis & repetitis mandatis,
ut sibi eleemosynam dem in personâ paupe-
rum & egenorum, sponsione interposita, ni-
hil inde damni accepturas fortunas meas,
sed se redditurum mihi suo tempore cum
fœnore quidquid benevolo liberalique ani-
mo in egentes suo nomine effudero, & adre-
munerationis cuiuslibet exacto vita morta-
lis curriculo donaturum mihi cœlestium bo-
norum thesauros & gloriam immortalem.
Contrà assurgit humana prudentia Dei se
jussis opponens, admonet non esse deferenda
præsentia, spe futurorum, nec dimittenda
certa pro incertis, nec hæc quæ videntur co-
mutanda pro ijs quæ non videntur. Non esse
jam tempora quibus Deus miraculis Ele-
mosynas compenset; si hodie dem nummum
pauperi, cras alium alteri, & sic deinceps alijs
alios sine fine, imò si velteruncium donem
uni, qui se quotidie ingerunt pauperum tur-
bz

bae, non est dubium quin paulatim crumenæ
mea evacuabitur, tūc verò sera erit parsimo-
nia in fundo. Huic insipienti humanæ pru-
dentiae respondendum. Quid ita? num menti-
tur Deus & fallit in suis promissis? Num alia
nunc sunt tempora nostra quām fuerint ma-
jorum nostrorum? Numquid abbreviata est
manus Domini? Et quidnam est hoc? Deus
suadet & præcipit Eleemosynam: homo dis-
suadet & improbat; cui credam, aut cedam?
An justum est hominem potius audire quām
Deum? Nonne æquius est Dei sapientiæ o-
bedire quām mundi stultitiæ, qui innutritus
erroribus consilia Dei & Conditoris sui im-
peria sanctissima nunquam definit impug-
nare, sicut Deus ipse sæpe in sacris litteris ju-
stissimè queritur de incredulitate atque dis-
fidentiâ populi sui. Quid igitur faciam? Lo-
quar ad Deum meum & dicam illi: In jacturâ
bonorum meorum, honoris & famæ, vitæ &
incolumitatis sit Deus benedictus; comple-
bo iussa ejus & fidelem atque obedientem
me præstabo in omnibus quæ præscriperit
& præceperit mihi. Dicam cum S. Augustino
manda Domine quidquid placuerit tibi, quia
dabis mihi virtutem & gratiam ad obsequen-
dum; si præceperis, facies etiam ut in præce-
ptis tuis ambulem; nec quidquam mihi oc-

cui-

curret tam amarum , quod non deglutiam,
nihil tam asperum, quod non amplectar, ni-
hil tam longum quod non percurram, nihil
tam intricatum quod non evolvam. Dicam
cum Apostolo : *Omnia possum in eo quime
confortat.* ad Philip. 4. Ecce venit ad me mun-
di Philosophia & conatur persuadere mihi
argumentorum vi & multitudine exemplo-
rum, ut tempus omne divitijs conservandis
impendam, ut provideam liberis meis, ut di-
latem domum meam & horrea majora fa-
ciam, ut nominis existimationi studeam ; ni-
hil enim esse jucundius optabiliusque quam
gratiā & honore florere inter homines, bene-
ficijs obstringere sibi amicos plurimos, vin-
dicare se de inimicis suis. Inde vero clamat ad
me Deus & gravi oratione intonat super me
Stulte hac nocte animam tuam repetunt aui,
qua autem parasti cuius erunt? Luc. 12. Quid
in inferno proderunt tibi opes & honores?
Quid proderit homini si lucretur mundum to-
tum. Et detrimentum anima sua faciat? Mar.
8. *Quarite primum regnum Dei & iustitiam*
eius; Et hac omnia adjicientur vobis. Matth. 6.
Leges mundi me docent ut non inultum pa-
tiar abire hominem. à quo indignissimis mo-
dis tractatus sum: ut par pari referam , den-
tem pro dente, oculum pro oculo; honore
pul-

nullo, amore nullo prosequar sed immortali
odio detester tam male de me meritum: oc-
casionem nullam prætermittam quâ nocere
illi non studeam, negotium ejus nullum ad
me afferatur quod non pessundem. Contrà
vero sanctissimæ Dei leges jubent, *diligere i-*
nimos nostros, benefacere his, qui oderunt nos
utare propter sequentibus & calumniantibus
nos Matth. 5. Cui parebo? Profectò nisi insania
& si vel scintilla in me vivit fiduciæ in Deum,
qui justissima hæc mihi imperat, deliberatio-
ne nulla opus est, deceatne me legibus Dei
Creatoris mei conformare, an mundi hostis
jurati salutis meæ. Sed objicit, quid respon-
debo ijs qui me tanquam stupidum & hebe-
tem arguent, quod hominem ob multas mi-
hi illatas injurias justissimæ vindictæ obno-
xiūm dimittam inuitum; increpabunt vel stu-
pidorem truncō vel timidiorem fœminā,
vel puerο imbecilliorē, qui nihil sentiam,
nihil audeam; nihil valeam. His ego respon-
debo, si inter paganos & idololatras educa-
tus essem, nec meliore Evangelij doctrinâ es-
sem imbutus sanè non continerem passiones
effrenes atque indomitas, sed sicut illi laxa-
tis habenīs quamprimum in eos à quibus læ-
sus essem, desævirem acerbius. Verum lex
Dei omne est consilium meum, hæc jubet re-
pri-

primere naturæ motus, dominari appetitui
oblivisci injuriarum, potius egregio magna-
nimitatis actu, quām vindictæ cupiditatī vili-
iracundiæ motu satisfacere. Dicam eum Pa-
ralytico qui sanatus à Christo Judæis repre-
hendentibus quod Sabbatho die, quem illi
summâ religione observabant, lectum sum
ut Iesus fuerat, deportaret in domum suam,
respondit: *Qui me sanum fecit, ille mihi dixit:*
tolle grabatum tuum & ambula. Joan. 5. Qua-
si diceret: is qui solo verbo inveteratum tri-
ginta octo annorum morbum à me depulit,
sanè novit melius quid mihi licet, quām vos
Ille diyinus medicus mihi dixit: *tolle graba-*
sum tuum, quid vestra refert; Num qui tot
annorum paralyticum curare potuit, à sabbathi
observatione eximere me non debuit neque
potuit? Porro si mihi mundus suis suggestio-
nibus molestus fuerit & insurserent: vis
felix vivere, bona plura in undique congre-
gare non cesses: ecce istic opulenta viduæ
prædia, illic villas & agros fertiles pupilli, in-
vade per fas nefasque tua sunt, si vis, amba-
bus manibus, quæcumque potes arripe; cir-
cumspice in omnem partem, ut semper bona
tua accumules, nunquam dic, sufficit; donec
abundes omnibus & dicas animæ tue: *Ani-*
ma habes multa bona posita in annos pluri-

mos

mos; requiesce, comedere, bibere, epulare. **Luc.12.**
Huic tam fallaci consiliario dicam : non sic
debet; qui creavit me & redemit me pretioso
sanguine suo pro me effuso & morte crude-
lissimâ ei ipuit de tyrannide diaboli, yetuit in-
hiare caducis hujus vitæ bonis, æterna potius
quærenda monet, & majorem salutis animæ
curam habere quam domus amplificandæ.
Quod si denuò ingerat idem malefanus sua-
tor: vide quid agas, si tantas & toties & tam
multis eroges pauperibus eleemosynas, bre-
vi opes, quas non habes immensas, immi-
nues atque exhauries, tantum tibi quotidie
detrassis, quantum alijs tribuis ; veniet ali-
quando dies quo te oppressum miraberis in-
opia & pro liberalitatis mercede compara-
bis tibi mendicitatem, & quam largè dabas
alijs quotidie stipem ostiatum ipse corroga-
bis. Respondebo denuò fidenti animo: sapiēs
est ac omnipotens qui jubet suo nomine e-
leemosynas dare, hujus munere possideo
quidquid meum est; hic pollicitus est mihi:
Qui dat pauperi, non indigebit, & sanè plurcs
gravioresque mīhi rationes suppetunt fiden-
di ejus promissis, quam tuas minas timendi.
Denique si mihi similes cogitationes injiciat
de inimicis meis, de voluptatibus & delicis
hujus vitæ & alia hujusmodi tentationum

argu-

argumenta proponat, hoc unicum opponam
Qui me condidit, qui me redemit, qui me ab
æterno dilexit, ille mihi dixit: Dilige inimi-
cos tuos, tolle crucem tuam, age poeniten-
tiam, castiga corpus tuum, odio habe anima-
tuam in hoc mundo ut in vitam æternam
custodias eam. Numquid dignum & justum
est illi obedire, non solum in rebus facilibus
& jucundis ad quas ipsa ex se natura propen-
det, et si præceptæ non sint, sed etiam duris
in rebus & asperis, carni & sanguini invisis ac
molestis, quanquam si quid amaroris habent
gratiæ suæ dulcedine sic mitigat ac condit
ut jucundum sit potius in hujusmodi rebus
illi posse obedientiam præfare.

§. V.

*Dei agendi modus contrarius est modo agendi
hominum.*

VTHanc praxin naturæ nostræ non pa-
rum adversam melius commendemus
& reddamus faciliorem ad quotidianum ex-
ercitium revocandum est in memoriam alias
esse vias Dei longeque diversas à vijs homi-
num; sèpè enim Deus modum agendi servat
prorsus contrarium illi quem ratio aut pru-
dentia humana eligeret ad eundem finem
consequendum, Aperte id explicat Aposto-
lus

